

61328/P [P.7]
DISSERTATIO MEDICA
INAUGURALIS,
DE
CHLOROSI:

QUAM,
ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIAE EDINBURGENAE PRAEFECTI;

NEC NON

*Amplissimi SENATUS ACADEMICI consensu,
Et nobilissimae FACULTATIS MEDICAE decreto;*

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS,
ERUDITORUM EXAMINI SUBJICIT

ROBERTUS DAVIES, HIBERNUS.

Ad diem 19 Maii, hora quarta post meridiem.

Phoebe fave, novus ingreditur tua templa. CATULLUS.

EDINBURGI:

Apud HAMILTON, BALFOUR, & NEILL,
ACADEMIAE TYPOGRAPHOS.

2716715



VIRO VERE ERUDITO

TIMOTHEO TUCKEY M.D.

AVUNCULO SUO CHARISSIMO MAXIMEQUE COLENDO,

LITERARUM HUMANIORUM CULTORI;

OB VITAE INTEGRITATEM MORUMQUE HUMANITATEM

CONSPICUO;

ET IN RE MEDICA ADMODUM PRAESTANTI:

NEC NON

VIRO EXIMIO

JACOBO NASH DE KILLMONEY,

IN COMITATU CORCAGIENSI,

ARMIGERO,

SORORIS MARITO MAXIME AMANDO,

OB INGENIUM, MORUM ELEGANTIAM ATQUE SUAVITATEM,

OMNIBUS DILECTO;

TENTAMEN HOCCE DE CHLOROSI,

STUDIORUM SUORUM PRIMITIAS,

IN ILLUM,

REVERENTIAE ATQUE ANIMI GRATI;

IN HUNC,

EXISTIMATIONIS ATQUE AMICITIAE;

IN UTRUMQUE,

AMORIS NUNQUAM NON DEVINCTISSIMI,

QUALECUNQUE TESTIMONIUM

OFFERT

ROBERTUS DAVIES.

Digitized by the Internet Archive
in 2018 with funding from
Wellcome Library

<https://archive.org/details/b30351790>

DISSERTATIO MEDICA

INAUGURALIS,

DE

CHLOROSI.

COMPAGES delicatior atque munera vitae, quibus ab adorando rerum Conditore designatur, Sexum pulchriorem, eoque magis imbecillem, multis morbis et incommodis, quibus mares vivunt prorsus immunes, a teneris etiam annis, subjiciunt. Quidnam ergo accuratius investiget quisquam, qui humanitati pariter ac medicinae studet, fortemque foeminarum miseram luget, quàm morbos, qui, cum in his inquietudinem excitant, tum in illo etiam sanitatem iis restituendi studium excitare debet? De CHLOROSI igitur, ac quatenus a mensium vitio (a magno HIPPOCRATE, mulierum morborum ferè omnium fonte habito) oriatur, nobis differere liceat.

Quod quidem argumentum aggredior, non pruritu scribendi ductus, sed ut legibus almae hujus Academiae optimè institutis obtemperem; quibus sancitum est, ut unusquisque, ad medicinae laureas adspirans, specimen quaecunque doctrinae medicae publici juris faciat. Si ergo in pagellis sequentibus, festinante nimis calamo conscriptis, forsan errores quidam irrepperint, aut rudior stylus offenderit, aetas, confido, excusabit juvenilis.

Affectus iste, ab HIPPOCRATE appellatur *χλωροσις* a *χλωρος* *viridis*; quod virgines hoc morbo affectae è pallido viridescentes appareant. A SENERTO, ETMULLERO, aliisque recentioribus, vocatur *Morbus virgineus*; quia virginibus maximè familiaris est; ab iisdem quoque nominatur, *Febris alba*, ob pallorem, virium debilitatem, ac pulsûs frequentiam; atque item, *Amatoria*; quod, uti ait SENERTUS, virginibus viro tempestivis maximè accidat; ac juxta illud,

Palleat omnis amans, color hic est aptus amanti.

Et, ut a LINDANO observatur, virgines illae nihil magis exoptent, quàm uxores fieri. Appellatur etiam *foedus* seu *pallidus virginum color*; ut et, ob analogiam, *Icterus albus*; quod, sicut in ictero, redun-

redundante humore bilioso, totum corpus flavo colore tingatur.

Chlorosis verò est habitus corporis malus, cum colore, a sanitatis consuetudine, in pallorem et viriditatem degenerato, a mensium defectu, vel obstructione et suppressione, originem ducens. HOFFMANNUS cachexiae similem fecit, dum ait, “Quem
“in genere, cachexiam dicunt morbum, is in virginibus, quae nunquam menses expertae sunt,
“aut si ipsi et inordinati et pauciores fluunt, Chlorosis denominatur, itemque Morbus Virgineus,
“et Febris Alba, nihilque aliud, quam cachexiae species est, iisdem quibus cachexia signis sese
“prodens*.” Contrà autem, ab ETMULLERO optimè dicitur †, omnes Auctores morbum hunc injuriâ facere eundem ac cachexiam mulierum, quae nihil sibi propriam habet; quandoquidem non solum foeminae cachecticae, sed mares etiam nonnunquam decolores et pallidi evadunt: praeterea, cachexia quae mulieres per omnes vitae gradus occupat, est mensium suppressionis plerumque causa; dum Chlorosis mensium suppressorum ferè semper effectus

* Hoffm. oper. vol. 2. cap. 13.

† Etmulleri opera, cap. 3. p. 555.

effectus est. ETMULLERO etiam arridet SENER-
TI * sententia.

D. FRANCISCUS HOME† opinionem nuperri-
mè tradidit, ubi de menstribus suppressis agit; ait
enim ille, Immeritò ab hoc vitio distinguitur Chlo-
rosis, seu febris virginum pallida; idem enim est
morbus. Hoc autem difficillimè nobis admitten-
dum est; nam mulieres novi, quae per menses ali-
quot, hujus fluxus suppressionem a vasorum uteri-
norum sola constrictione nimia, patiebantur, in
quibus Chlorosis symptomata diagnostica non om-
nino apparebant: sed contrà, habitus corporis ro-
bustus simul aderat, atque febribus, inflammatio-
nibus et haemorrhagiis obnoxiae plerumque erant;
quamvis verò, nisi tandem succurratur, suppressio
Chlorosin producere possit.

Morbus verò iste hinc virginibus, praesertim
circa pubertatem ‡, quo primum erumpere debent
menstrua, familiaris plerumque est; ut etiam a-
liis antea bene purgatis, si ab aliqua causa parcus
vel suppressus fuerit fluxus; hinc gravidas quoque,
sed

* Vol. 3. p. 683. † Princip. Medicin. p. 288.

‡ Circa annum fere decimum quartum vel quintum in hisce
regionibus.

fed rarius, in primis gestationis mensibus, maximèque illas debili, tenello, atque laxo corporis habitu, praeditas infestat.

Symptomata quibus dignoscitur Chlorosis plurima numerari possunt: Primò sese offerunt dolor et lassitudo circa lumborum et pubis regiones, appetitus prostratus, ventriculi inflatio, ructus, *ΕορΕορυμοι*; color deinde pallidus, interdum subflavus et viridescens per totum corpus; sed ubicunque cutis abest, in labiis, viz. oculorum canthis, &c. praecipuè apparens; frigus tandem et inflatio in cruribus ac pedibus, circa malleolos, sub noctem; dum facies, atque imprimis laxissimae sub oculis partes, mane post somnum turgent, circulo simul caeruleo circumdatis. Appetitus tandem inordinatus devenit, dum cretacea clanculum vorant aegrae; respiratio anhelosa quando se movent aut scalas ascendunt, vel choreas ducunt; cordis palpitatio; pulsus plerumque debilis ac frequens; totius corporis segnities; affectiones denique hystericae; animi deliquia; multaque capitis mala. Ex hisce verò apparet, solida valde debilitari, ac proinde humores in indolem leucophlegmaticam vergere; nam in omnibus illis locis, ubi cutis abest,

est,

est, sanguinis colorem per vasa tenerrima translucentem, observare possumus, uti in lingua, gingivis, ore interno, naso, oculorum angulis, adnata palpebrarum interiore superficie, &c.*. Quando enim, in his locis omnia pallida apparent, tunc novimus vel viscosam, lentam et pituitosam, vel aquosam, tenuem atque dissolutam sanguinis indolem dominari.

Chlorosis multae agnoscuntur causae προηγόμεναι : habitus viz. corporis naturâ valde laxus et debilis, vita sedentaria, assumpta quae a virtute in nobis mutante inquilinis assimulari nequeunt, potus nimius tepidus aquosus, exercitium immodicum, vigiliae intempestivae, somnus nimius, excretiones variae suppressae, evacuatio quaelibet magna, praesertim sanguinis rubri, varia animi παθηματα, ex quibus coctiones ordinariae plurimum evertuntur, tristitia, terror, amor; denique omnia, quae actiones naturales laedere, viscerum obstructiones producere, ac proinde corpus debilitare possunt. Haec autem toties optime a variis auctoribus tradita praetereamus; quemadmodum autem a mensium suppressione pendeat, indagemus.

* Van. Swiet. com. 72.

indagemus. Hoc vero ut clare eluceat, de menstruis pauca proferre conveniet. Tot autem emanarunt, tamque variae de his theoriae, tamque inter se pugnantes auctorum sententiae, ut eas omnes vel memorare, non finant hujus dissertationis angustiae. Inter medicos tamen recentiores, celeberrimi vel menses a plethora universali*, vel a peculiari uteri structura† deducunt; quorum sententias diversas fusius exponere, arduum sane foret, ac propositum nostrum longe exsuperaret. Quod igitur nobis verosimillimum videtur, illustrare conabimur, fontes generales, unde symptomata deducantur, quam breviter proferendo.

Inter plethorae fautores BOERHAAVIUS sic habet. Simulac virgo sana adepta terminum sui incrementi, incipit conficere plus humoris boni, quam sustinendo corpori requiritur, quum augendo non amplius impendat, implebit plus sua vasa, maxime uterina et mammaria, utpote minime pressa; eaque dilatabit plus quam alia; hinc et lateralia vascula, in cavum uteri, evacuantia humorem (quo interne lubricatur cavitas) valde impleta distendit; inde

* Friend. Boerhaavius. Hallerus.

† Acutissimus in hac academia medicinae theoreticae Professor Robertus Whytt, sententiam hanc in praelectionibus quam lucide explicat. Symson's system of the womb.

inde dolor, calor, pondus, sentiuntur in lumbis, ad pubem et inguina; excitatur febricula, dilatantur vascula uteri, ita ut sanguinem ipsum in cavitatem uteri stillent; os ejus lubricatur, laxatur, sanguis exit*.

Auctor citatus, quamplurimum celebrandus, sententiam ulla alia antea tradita probabiliorem protulisse videtur; sed huic tamen multa objici possint, a quibus observata quaedam tradere operae fore pretium spero.

Prorumpunt plerumque menstrua, per menses vel et annos antequam ad *αμην* adveniunt puellae, atque proinde ante tempus quo sanguinem accumulari volunt plethorae fautores. Si plethora sola sit hujus fluxus causa, paulatim in corpore accumulari debet sanguis: hoc verum difficillime admittendum est, nam ex ingeniosis doctoris KEILII experimentis staticis probatur, nil incertius, nil instabilius esse corpore humano, nunc unius nunc alterius librae pondo variante, idque vicibus maxime repentinis, victus quantitatis vel qualitatis vel aeris temperamenti, &c. ratione, unde necessario turbari

* Boerh. Instit. Med. 8. 665.

bari debet haec accumulatio gradatim conficienda. Plethorae etiam objici potest, quod evacuationes vel per venaesectionem vel alvi fluxum, &c. inter mensium periodos, quibus imminuitur quantitas tunc existans, non omnino impediunt, quin ad tempora statuta redeant menstrua; praeterea quod etiam nec plethora nec febris a vino, aromatise, orta, bis terve de mense menstrua producant.

Παθηματα ab HIPPOCRATE aliisque periodica, in utero vicinisque partibus observata in mensium suppressione, quamvis nulla fit depletio, paucos post dies evanescunt. Haec satis contra plethoram censeo. Theoriam quae nobis maxime arridet, nunc paucissimis proferre conabimur.

imo, Sanguis, per vim cordis et arteriarum pulsus, a prima empyonis formatione, pergit omnia vasa explicare, et magis pervia reddere; hinc corporis moles quotidie augetur, donec liberè perficiatur sanguinis circuitus, ac rigiditatem ad reactionem satis validam acquirant vasa, quae si non tandem fiant, crescere nunquam desineret corpus. Hujus exemplum in cujusvis partis laxae obstructio-

ne quotidie sese offert; tunc enim si negetur resolutio, ad vasorum rupturam pene fit tumor.

2do, Uteri compages maxime nervosa ac vasculosa apparet; arterias ab hypogastricis, spermaticis, haemorrhoidalibus, iliacisve internis, mire inter se intortis, et anastomosibus in plexus reticulares ubique unitis, accipit. Antequam verò arteriae cum venis reducibus (multo angustioribus) communicant, in sinus* per uteri substantiam in virgine quàm parvulos, vasa lateralìa emittunt, sinusque ipsi, mediantibus vasis emissariis†, hiant in uteri cavum.

3tio, Ex § 1mo patet, vasa totius corporis, ab infantia usque ad pubertatem, quotidie sensim distendi; quo tempore arteriae uterinae adeo dilatantur, ut serum primum, deinde sanguinem rubrum in vasa lateralìa, antea his impervia, admittant. Hinc sanguis, ex finibus arteriarum in sinus depluens, illos paulatim distendit, donec tandem emissaria,

* *Monro on the Nutrition of Foetuses. Med. Essays vol. 2. p. 106. Morgagni Adversar. Anat. 1. § 33. et Advers. iv. § 26. et 27. Sanctörin. Observ. Anat. cap. xi. § 9.*

† *Med. Essays, p. 107.*

saria, quae a sinubus ad cavum uteri ducunt, aperiantur ; tuncque per vim contractilem elasticam fibrarum uteri, sanguis in sinubus stagnans, quæ data porta, in uteri cavum expellitur* ; ex utero verò, per os ejus laxatum effluit.

Dum sinus uteri, expulso sanguine, arctantur, arteriae †, quae super eorum latera distribuuntur, magis magisque comprimuntur, unde primò humorem subrubellum effundunt ; postea serum, tandemque lympham, sicque sistitur primus mensium fluxus. Sanguis autem, per vim cordis et arteriarum pulsus, indies pergit, haec vasa uterina, a collabente mole uteri compressa, dilatare, adeo ut post sex, septem, vel octo fortè septimanas, sanguine rubro de novo repleantur sinus ; unde, ut antea, menstrua, pro secunda vice, erumpunt.

Hinc etiam patet, ponderis, caloris ac doloris circa pubes et inguina, causa ; arteriarum nimirum uterinarum

* Observari meretur, quod instante fluxu menstruo, sanguis reverà majore momento agit in vasa uterina ; quoniam haec vasa, sanguine solito magis distenta, in vibrationes fortiores concitantur. Post finitum verò fluxum, et depleta vasa, vibrationes hae insolitae, oblato stimulo, cessant.

† Medical Essays, vol. 2. p. 106.

narum nimia a sanguine distentio; unde non solum dolor et caloris sensus in ipso utero, sed in partibus vicinis, per nervosum consensum; instante enim fluxu menstruo, uterus sanguine turgidus, levi quasi inflammatione afficitur. Hinc etiam apparet, quemadmodum mammae, ante mensium eruptionem, et in gestationis tempore eleventur, ac postea, dum lac praebent, vix recurrant menstrua. Ad haec verò conspirant, imo, Inter arterias epigastricas ac mammarias anastamosis; dum enim epigastricae distenduntur plus solito sanguine, nullus sanguis per ramos communicantes in eas fluit ex mammariis: imò, è contrario, ex epigastricis in has derivari videtur hoc fluidum, unde mammae, majore sanguinis copia irroratae, turgescunt. 2do, Turbatò per vasa tot inferiora sanguinis circuitu, ad superiora, copia majore, derivantur humores, compagem propter laxatam praesertim ad mammas; quoniam autem, post foetus exclusionem, uterus se contrahit, mammarumque arteriae jam satis dilatantur, ut lactis copiam fecernant; liberior fit per vasa communicantia circulatio; hinc, ut etiam per alia corporis vasa, ad mammas, utpote minimè resistentes, abripitur sanguis: verùm lacte non amplius per papillas educto, resistentia augetur, ac turbatur
illic

illic derivatio humorum ; unde, ut antea, ad vasa uterina ruunt. His traditis, progrediemur.

4to, Celeb. FRIENDIUS, qui fusiùs mensium phaenomena, morbosque ab eorum suppressione, ut alii plerique auctores, a plethora symptomata deduxerunt. Quod hinc libera sanguinis circulatio obstrui, atque lentor cum vasorum debilitate conciliari possit, nemo, ut credo, dubitabit. Sed cum, a mensium suppressione, sine plethora inducta, oriri possit Chlorosis, necessè est aliunde quaerere causam.

Suppressio haec an non satis turbet viscerum *χυλο* et *αιματοποιητικων* oeconomiam, ut hunc morbum producat, proximè inquirendum est ; ut ergo appareat lucidius, cum sana horum actione incipiendum.

Inter manducandum, et in deglutitionis actione, alimenta, cum saliva et muco oris, linguae, palati, &c. commiscentur ; deinde in ventriculum protruduntur. Arteriae huic perreptantes humorem gastricum effundunt, qui hujus visceris calore atque actione, inter ingestorum particulas sese insinuat,

nuat, illasque dissolvit. Inde in duodenum exeuntibus jam crudis, easque subituris mutationes, quae a spontanea horum degeneratione, in loco calido ac humido, sequi debent; bilis utraque, virtute saponacea praedita, pancreatis latex aliique ex omni intestinorum puncto, perpetuò infunduntur elaborati humores. Motu interea peristaltico ulterius admiscuntur, inquilinis assimilantur, ac gradatim per canalem protruduntur, dum chylus jam blandus ac dilutus fistulis lacteis valvulosis absorbetur; hinc in ductum thoracicum, quo totius ferè corporis redux defertur lymphæ: ex hoc tandem guttatim in venam subclaviam deductus, ab integro sanguinis torrente abripitur, atque arteriarum per corpus efficacia, in sanguinem sensim rubrum mutatur. Quum igitur tot conjunctae ad sanguinem bonum perficiendum conspirent functiones, virgines delicatulae, quas saepius infestat Chlorosis, ex fibrilis suis laxioribus, functionum illarum laesionibus necesse est ut magis obnoxiae evadant.

5to, Hodie constat, cor, totumque systema arteriosum, potentia motrice praeditum, in contractiones perpetuò deduci, a stimulo sanguinis per illa

illa fluentis *. Hinc sanguine, ad mensium periodum, in uteri vasis et sinubus, copia luxuriante, et, vel ob suum lentorem, vel vasorum emissariorum (a quacunque causa ortam) nimiam constrictionem vel rigiditatem, quo minus egrediatur prohibito, uterus distentione jamjam affectus, in ulteriora παθηματα stimulatur; unde arteriolae uterinae constrictionibus insolitis agitantur, quarum ope vascula minima uteri, magis adhuc sanguine fortiter pulso, distenduntur; unde levi quasi inflammatione tentantur: sed cum uteri structura valde sit laxa et fungosa, atque viscus illud ab omni musculorum pressura sit prorsus immune, et in pelve foeminea ampliore† situm; cumque corpus muliebne non plerumque in indolem inflammatoriam vergat, vix hi nascuntur effectus, sed lenta fit tandem resolutio, et sanguinis massae restituuntur humores, qui in uteri sinubus stagnerant, dum forsan viscida et iners indoles stagnando inducta sanguinem totum inficit.

6to, Interea autem sanguis per vasa haec inferiora circuitum iturus, ab utero obstructo repercussus,

* Whytt on vital, &c. motions of animals.

† Monro's Osteol. appen.

fus, per alia corporis vasa, sed per leges hydraulicas imprimis in arterias caeliacas ac mesentericas, mutata proportione, determinatur: hinc ad ventriculum praecipuè et intestina, ut et ad hepar et splenem derivatur; unde partes hae praecipuè turbantur.

7mo, Dum quacunque corporis parte dolente, febris plus minus excitatur, nonne ex cordis et arteriarum aucta per consensum irritabilitate? Nulli-
 bi autem lucidius *συμπάθεια* haec se offert, quam in mensium suppressione; nam vasis uterinis sanguine distentis, non tantum febricula excitari potest, sed in consensum ruit plerumque totum systema nervosum; unde, ut HOFFMANNUS observat, multoties ob impeditiorem per vasa uterina transitum, gravissimas hystericas affectiones patiuntur virgines*. Nonne etiam ex aucta vasorum irritabilitate, causam haemorrhagiae cujusvis (ad plethoram minuendam in mensium obstructione, a clar. FRIEND, aliisque posita) deducemus? Idem etiam censet HOFFMANNUS; nempe, haemorrhagiam, non a sanguinis qualitate vel nimia copia, sed a vasorum, in quavis parte, aucta contractilitate,

* De malo hysterico.

te, et sanguinis inequali circuitu plerumque pendere *. Nam, si sanguis tam indole quam copia polleat, aucta vasorum quorundam irritabilitate, per haec velocius abripietur, nunc ad nares vel pulmones, nunc (uti ait HIPPOCRATES de menstruis retentis), *τρεπεται δε κ' ες εμετον, ειν ησι κ' κατα την εδρην* † : ubicunque enim vasa debiliora sunt, illuc praecipuè sanguis (resistentiam minorem inveniens), derivatur ; hinc magis irritantur ; sed eo minus ad sanguinis vim sustinendam valent ; unde haemorrhagia sequitur ; idque ex eo confirmari videtur, quod opium, quod nervorum sensilitatem sopit, atque vasorum motus vehementiores compescit, insignes saepe praestat effectus in haemorrhagiis sistendis, quoties hae, a vasis stimulo quovis nimium agitatis, oriuntur.

8vo, Levis quaedam febriculae species plerumque ante mensium eruptionem excitatur ‡. In febris verò, a nervorum consensu ortae, accessione, minima corporis vascula, praecipuè autem cutanea, utcunque constringi ac valde arctari videntur ; hinc perspiratio obstrui potest, dum urina, indole

C

sua,

* De Haemorrhagia.

† Hip. de Morb. Mulieb.

‡ Boerhaav. Institut. Med. § 665.

sua, materiae perspirabili consimilis, redditur limpida, omnesque excretiones turbantur, sanguinis copia solito minore, per arterias has excernentes transeunte : sanguis autem hinc cum humoribus acrioribus qui excerni debebant, vi ac copia majore, retinetur in ramis liberis, morbosque, prout in hunc vel illum locum propellitur, varios inducit ; si autem, prae caeteris, ad tubum alimentarem talis fluxio feratur, appetitum prostratum, nauseam, flatum, tormina, ac *ερεθισμὸς* efficere potest.

9no, Porro quando menses supprimuntur, ventriculus malè afficitur ex peculiari sympathia quam cum utero habet, forte partim ex mutato sanguinis circuitu in abdomine inferiore ; hincque citò post conceptum, foeminae nausea et vomitu quotidie afficiuntur. Sive autem ex sympathia, sive ab humore quovis noxio retento, ad illa deposito, turbantur ventriculus et intestina ; symptomata inde eo graviora excitantur, quo hae partes magis sensibiles, adeoque magis irritabiles sunt ; acris enim quaevis materia in tubo alimentari hospitans, vel in vasis suis stagnans et nervos irritans, ingratam sensationem, motus convulsivos inordinatos, et spasmos vehementes inducit ; unde symptomata,

ptomata, § 8va citata, et dolores colici atrocissimi, cum alvi obstipatione, aliisque malis.

10mo, Cum alimentis simul semper ingeritur aer elasticus ; hîc autem, constrictionibus spasmodicis tubi alimentaris interceptus, ac corporis calore rarefactus, flatus generat : ab aere autem flatuoso spasmus intestinorum augentur, dum in locis intermediis valde distenduntur. Clarissimus HALEs experimentum hîc haud inutile cepit* : aquam, nempè, ad sanguinem eluendum, ut materiem ceraceam rubram facilius admittant, in arterias ventriculi canis injecit ; aqua per vasa liberè defluxit dum infunderetur ; repletis verò materie ceracea arteriis, cum ventriculum, ad exsiccandum, flatu distendere vellet, aquae, quae in venis stagnerat antea, pleno nunc rivo integrè emanavit. Constat hinc, distensione adeo comprimi vasa, ut humorum quantitatem minorem tunc temporis continerent ; unde patet, arterias, quae liquores in ventriculi et intestinotum cava fecernere debent, debita sanguinis copia orbatas, functiones suas non rectè perficere posse : dum eodem modo biliarii communis atque pancreatici ductuum extremitates duodeni tunicas perreptantes, ab hujus intestini inflatione

* Haemastatics, vol. ii. p. 176.

inflatione constrictae, humores suos, ad assimilationem ingestorum perquam necessarios, effundere nequeunt : interea etiam actio peristaltica omnino turbatur ; hinc ingesta sic retenta, nec cum inquilinis permista, jam cruda, citissimè corrumpuntur ; ac proinde plus generant aeris elastici, antea in his fixi retenti, qui eosdem quos antea effectus, sed gradu majori efficit. Denique autem resolvuntur spasmi ; et hinc *ΕορΕορυγμοι* oriuntur ; atque si simul constringantur oesophagi fibrae, sensus ille suffocationis, *globus hystericus* dictus, exhibetur, dum falsò a veteribus uterus huc ascendere credebatur ; sed sanguine menstruo nondum effuso, et partim in vasis uterinis stagnante, causa adhuc in corpore tumultus manet ; hinc denuo constringuntur ; ac tandem distracta diu flatibus intestina utcumque paralytica fieri possunt, atque postea nunquam ad naturalem tonum redeunt. Paralysis haec, quamvis raro accidit, tamen, ex dictis, viscera haec valde debilitari videntur : hinc chylus non elaboratus, nec blandus nec dilutus, in sanguinem recipitur, atque morborum multorum fit fomes ; quidquid enim prima digestionem corrumpitur, haudquaquam emendatur in secunda coctione ; adeoque qualis efficitur chylus, talis fit

sanguis *. Lentor hinc, ac simul acrimonia sanguini conciliantur, quibus, si corpus fit rigidum atque robustum, febris valida excitari potest, qua humores attenuare conatur natura: sed, si fibrae sint laxae et debiles (uti in foeminis Chlorosi obnoxiiis) febricula quidem oriri potest; levior autem, nec sanguinis lentorem resolvere valens. Cùm autem ad sanitatis constantiam requiratur, ut tantum et tale humoribus solidisque perpetuo restituantur, quantum et quale quotidie perditur †; et, cùm ingesta non nutriant, nisi per vires corporis nostri mutata fuerint, non sufficiet cibos ingestisse et ingestos retinuisse, sed requiritur debita illorum digestio; quae ergo si deficiat, pariter sequetur debilitas ‡.

Imo, Nunc verò, ad Chlorosin producendam, simul conspirant corporis debilitas ac humorum cruditas; hinc enim fit languidus sanguinis circuitus, unde omnia torpent. Cùm autem, ab expedito fluidorum per vasa transitu, functionum integritas pendeat, omnes actiones vitales, animales, atque naturales, laeduntur, ac vasa non satis in humores distendentes reagentia plus distenduntur, tandemque

* Huxam. de Aere et Morb. Epid. v. i. p. 24.

† Boerh. Instit. Med. § 436.

‡ Van. Swiet. Com. 662.

tandemque tonum sensim amittunt; donec tota solida laxiora, et exinde fluida, minus densa et compacta fiunt, aut in aquosiores naturam degenerant.

Symptomatum diagnosticorum, antea tantum enumeratorum, rationem jam exponere pergo. Ut primum corripuntur Chlorosi puellae, de onere atque dolore quodam, lumbos, inguina, ac pubes opprimente, queruntur, sanguinis in uterinis aliisque vasis vicinis accumulationi adscribendis: appetitus prostratus deinde, cum ventriculi inflatione, ructibus et borborygmis, exoritur; ab assumptis cibis gravantur aegrae, nec inde reficitur corpus, viribus ad hos digerendos deficientibus: hoc optimè observat HIPPOCRATES*; ait enim, Quaecunque quidem ventriculus superat, quaeque corpus recipit, ea neque flatus neque tormina excitant: at si ventriculus non superet, ab his, et flatus et tormina, caeteraque id genus, contingunt.

Chylus, quando sanguinem ingreditur, omnino est albus, debetque, per pulmonum arteriarumque
in

* Hip. de Affection. cap. 13. charter, tom. vii. p. 633.

in aliis visceribus efficaciam, mutari in sanguinem sensim rubrum; functionibus autem laesis, atque solidis debilitatis, ulterius elaborari nequit: hinc meritò dicit clar. VAN SWIETEN *, Dum debilis languida Chlorosi torpet puella, ingerit nutrimenta quidem, sed non inde perficit bonum sanguinem, sed lac quasi tantum; unde tota pallet. Imò, imprudenter secta vena, in tali casu, vidi sanguinem exivisse album. Si in his vires paulo plus valent, magis mutantur, non tamen integrè perficiuntur humores; tunc color oritur flavescens vel viridescens; deficit enim in his solidarum partium actio in fluida; tument, implentur crudis; sed non fit bona nutritio.

Inter causas quae humores venosos versus cor propellunt, tam arteriarum quam turgentium, dum agunt, musculorum requiritur vis. Haec autem in languidis Chlorosi laborantibus torpet: hinc in venas majores jam fatis distentas vix sese deplere possunt venae resorbentes; unde tunica cellulosa, humoribus qui resorberi debebant, turgere incipit; hinc tumores oriuntur in locis a corde remotissimis, ac proinde circulationem languidiorem habentibus,

* Commentar. in Boerh. Aph. § 25.

bentibus, in facie, viz. et praecipuè in laxissimis illis (uti ait VAN SWIET.) sub oculis partibus, quas *υπωπυα* et *υποφθαλμια* dixerunt veteres Graeci, in cruribus et pedibus circa malleolos, atque in hypocondriis. Partes superiores modo memoratae, ob situm forsan horizontalem, mane maximè turgent, dum resistentia quae fit sanguini venoso augetur; ob similem etiam causam sub noctem tument inferiores. Frigus etiam inflationes tales comitatur, dum torpet sanguinis circuitus.

Respiratio aegris fit anhelosa, praesertim cum se movent vel acclivia ascendunt; tunc enim actio muscularis, sanguinem viscidum copiosè in cor dextrum et pulmones, jam debiles ac minimè resistentes, propellit, atque vasa fatiat: hinc etiam cordis palpitatio; arteriis enim, tam pulmonum quam aortae, sanguine distentis, atque vi harum contractili, in fluida contenta, inerte reddita, valde augetur cordi resistentia; unde, ubi vires ejus ad sanguinem propellendum non satis valeant, in frequentiores contractiones stimulantur: hinc etiam pulsus plerumque est celer et frequens, sed
semper

semper debilis. Cordis etiam atque arteriarum debilitati adscribenda sunt defectus et inertia liquidi nervosi, vel cujusvis illius, ad motum ac musculorum contractionem requisiti; dum enim sanguis in aquosam vel pituitosam inertem lachochymiam degenerat, non debita copia fecernitur, nec functiones suas exequi potest: hinc corporis totius segnities, et ad motum muscularem ineptitudo, oriuntur. Somno etiam profundo, sensuum omnium hebetudine, stupore, atque vertiginibus molestissimis gravantur Chlorosi laborantes: haec verò ex turbata spirituum secretionem ac sanguinis per durae vel piaë matris vasa immeabilitate, cerebrique ipsius forsan compressione, provenire videntur.

Passionibus hystericis afficiuntur, pulsatione in temporum arteriis, atque dolore capitis graviore, *clavo hystérico* dicto, quem optimè notat SYDENHAMUS, hisce verbis: “ Nonnunquam exterior
 “ rem capitis partem occupat, pericranium inter
 “ craniumque, dolorem vix tolerabilem afferens,
 “ in quadam tantum particula, quae transverso
 “ pollice contegi possit, jugiter defixum; dolo-

“ rem etiam hunc comitantur vomitiones enormes.

“ Haec species clavus hyftericus mihi est, istas
“ prae caeteris fatigans, quae Chlorosi laborant *.”

Affectiones tales non mirae videri debent, quum omnes norint, quam debile sit in his systema nervosum; adeo ut minimo pavore, &c. percussae, in animi deliquium saepissimè incidant.

Parum sitiunt quae hoc morbo corripuntur; quia ob languidum humorum motum vix calent, et parum perspirant, atque ob tubi alimentaris inertiam acidum in primis viis praedominatur. Hinc etiam appetitus antea prostratus, nunc vel nullus vel inordinatus fit, atque absurda quaedam veluti ex Naturae instinctu desiderat, dum arenas, calcem, cretam, &c. absorbentia, clanculum toties vorant; hinc et augentur ructus, borborygmi et rugitus.

Humoribus tandem in viscidam ejusmodi atque aquosam indolem mutatis, secretiones omnes a naturali lege declinant: saliva viscida, bilis iners et parca, plerumque viridis (uti acido laborantibus fieri solet) fecernitur; urina pallida, spumosa, vix
olens,

* Sydenhami opera, p. 389.

olens, sed magna copia frequenter redditur. Symptoma hocce, in affectionibus hystericeis, saepe se offert ; nam, praeter colorem pallidum, quem ex fluidis aquosis in Chlorosi abundantibus obtinet, oriri potest ex spasmis, quibus adeo constringuntur vasa renalia, ut tenuiores tantum atque subtiliores sanguinis partes transmittere possunt : copia majore etiam redditur, dum vasa secernentia, ex stimulo majore, in oscillationes magis frequentes et inordinatas deducuntur ; unde major fluidorum copia, dato temporis spatio, ad renes allicitur*. Excretiones omnino turbantur, alvus plerumque tardior fit, viribus deficientibus, ac bile intestina non satis irritante ; perspiratio minuitur, ac tandem vix ulla fit, dum copia majore redditur urina, et vasorum vires in capillaria vasa cutanea humores propellere nequeunt.

P R O G N O S I S.

Qualis in Chlorosi instituenda sit prognosis jam dicendum est.

Morbus

* Whytt on Vital and Involuntary Motion, &c.

Morbus hic, etsi non admodum in initio periculosus, atque rarò per se lethalis, saepe tamen pertinax, ac ferè semper curatu difficilis evadit. In prognosi autem ad plurima attendendum est; variat enim ratione, 1mo, Durationis. 2do, Corporis statûs. 3tio, Morbi effectus.

1mo, Si diu permanferit, in initio negligatur, atque altas agere radices permittatur, solida quotidie magis debilia fiunt, et fluida in malam *κακοχυσμια* tandem degenerant: hinc hydropem, viscerum abdominalium, uteri, ovarii schirros, febrim lentam, hecticam, phthisin, multosque alios morbos chronicos inducere potest.

RIVERIUS, in praxi medica, et post eum HOFFMANNUS, observat, Foeminas, quae hoc morbo diu laborarunt, aut steriles evadere, aut prolem morbosam, debilem, atque parum vitalem edere.

2do, Si aegra malo corporis habitu naturaliter praedita sit, omnia in pejus ruent; tunc enim facilius inducitur *καχεξια* vera, de qua meritò ait

ARETÆUS*, “ Morbus hic vix sanabilis, malum-
“ que longissimum ; longo enim tempore gigni-
“ tur, neque ab uno corporis vitio, neque ab uno
“ viscere, sed omnium est conversio in deterius.
“ Quocirca, ab hac enascentes morbi inevitabiles
“ sunt, hydropes, phthises, colliquationes, fiqui-
“ dem mali habitûs causae, sunt germanae (causis)
“ colliquationis.”

Virginum, quae, ob nimiam vasorum uteri con-
strictionem vel rigiditatem, nunquam menstrua
patiebantur, curatio incertior atque difficilior eva-
det : sed contrà, eo facilius, quo magis regulari-
ter antea fluxerunt, maximaque salutis elucet spes,
quando Chlorosi laborantes statim periodis satis pur-
gantur ; tunc enim a pertinacissima morbi causa
liberantur.

3tio, Morbi effectus ad prognosin etiam confert,
prout horum illorumve viscerum functiones magis
laeduntur : si enim accedant post longam morbi
durationem, vertigo, memoriae imbecillitas, tre-
mor, somnolentia, metus est, ne lenti vel et a-
quosi humores, in encephalo incipiant accumulari ;
unde

* De Causis et Sign. Morb. diut. lib. cap. xvi. p. 47.

unde apoplexiae metus instat. Si ad minimum motum corporis anhelare incipiunt, ac ferè suffocantur, pectoris cavum similibus repleri concluditur, vel et ipsum pulmonem *. Hinc eventus valde anceps evadet.

M E D E N D I M E T H O D U S.

Ad hujus morbi curationem, imprimis considerandum est, tam quod optimè monuit Medicorum Princeps HIPPOCRATES, “ Si unquam aliquis in
“ ullo morbo utilitatem attulit, eum justo tempo-
“ te attulisse necesse est † ;” quàm quod in morbis chronicis non ingens medicamentorum farrago, sed selecta atque tempestiva illorum valet exhibitio.

Indicationes curatoriae sunt quatuor. Prima, Saburram in primis viis haerentem expurgare, ne aliorum medicamentorum efficaciam impediat. Secunda, Humores vitiosos corrigere ac solida firmare. Tertia, Menstrua promovere, si omnino obstruatur eorum fluxus. Quarta, Morbi reditum, quam maximè potest, impedire.

Ima,

* Van. Swiet. Com. § 1173.

† Hipp. lib. de Morbis.

ima, Antequam verò intentiones has attingamus, corporis status considerandus est ; nam si aegra sit plethorica, venaesectio (sed cauta tamen manu) praemittenda est, ne sanguis, emetico dato, per vasa pulmonalia jam debilia velocius propulsus, haec magis irritet, atque exinde haemoptoen, morbum valde pertimescendum, excitet. Si autem morbus inveteratus sit, ac aegra non plethorica, non omnino celebranda.

Vomitum plerumque primò ciere oportet : hîc praefertim conducunt vitrioli albi scrup. i. vel drach. fs. vin. emet. Pharm. Edinb. vel tinct. ipecacuan. pro aegrae viribus, superbibend. infus. florum chamom. vel cardui benedict. Cathartica lenia etiam, vicibus repetitis, conveniunt ; imprimis tinct. sacra, pil. ruf. aloet. rhabarb. nam haec non tantum primas vias expurgant, sed ad solida stimulanda et humores attenuandos valde conducunt.

2da, Ad humorum indolem depravatam corrigendam, prout variat, adhibenda sunt remedia.

Si

Si sanguis viscidus ac densus evadat, medicamenta resolventia et attenuantia profunt, quae et eodem tempore stimulant atque corroborant: talia sunt, rhabarbarum cum paucis, in quaque dosi, granis calomel. elixir proprietatis, vinum medicatum ex optimis aromaticis et stomachicis, pilul. gummosae attenuantes, pilul. ecphracticae chalyb. Pharm. Edinb. frictio etiam quotidiana hîc plurimum confert.

Si aquosa et tenuis sit sanguinis indoles, corroborantia, qualia sunt cortex Peruvianus, tinctura ad stomach. Pharm. Edinb. indicantur. Quantum medicina gymnastica vasa et viscera nimis debilia corroborare conducat, clar. VAN SWIET. de Morb. viscerum debiliū et laxorum optimè observat; et quotidie videmus rusticos homines validissima edulia commodè digerere, quae debiliū viscera pessime infarcirent: hinc vectio in rheda, equo, navi, &c. commodissima erit, quatenus non vires dispergit. Victus sit nutriens, incrassans, sed non ad digerendum difficilis. Affectus omnes animi violentiores vitandi, somnus modicus,

cus, aer ficcus; donec enim solida firmentur, et vasa bonis repleantur humoribus, emmenagoga exhiberi non debent.

3tia, Tandem verò emmenagoga et deobstruentia, pro symptomatum ratione, ac aegrae temperamento exhibenda sunt; ad hunc scopum, praeter caeteris, palmam ferunt chalybeata atque aloetica. Cel. FRIEND * cathartica ex aloe, jalappa, scammonia, elateria, &c. conflata commendat; “ quibus (ait ille) si adjecta sit aliqua Mercurii praeparatio, fortius adhuc excitabitur sanguinis impetus; nihil enim aut lentorem efficacius tollit, aut vasa obstructa citius recludit, quàm Mercurius.” MEAD. ait †, “ Ex omnibus quae menses movent, maxime singularem virtutem habere deprehendi helleborum nigrum, ita ut illum vix unquam spem fefellisse meminerim; idcirco tincturae melampodii cochleare minimum ex aquae tepesfactae haustulo, bis die assumi jubeo.” Eodem tempore, multum prodest pediluvium; et, si aegra concedere vellet,

E

suffi-

* Emmenolog. p. 140.

† Monita Medica, 247.

suffimenta et aquae calidae vapores, ad uterum per tritorium vel tubulos uterinos derivati.

HIPPOCRATES, denique, sapientissime inquit, “ ‡ Auctor sum, ut virgines hoc malo affectae, “ quam celerrime cum viris conjungantur, iisque “ cohabitent ; si enim conceperint, convalescent.”

Congressus cum sano juvene, bonos effectus saepe etiam vidisse affirmat RIVERIUS ; et post illum HOFFMANNUS maritum magnopere pro medico commendat.

4to, Tentamen tandem ultimum aggrediemur, morbi nempe reditum impedire. Omnia quae morbum hunc producere possint, magnopere evitanda sunt ; praecipue autem cavere debet aegra, ne aeris inclementiae se exponendo, menstrua primò erumpentia denuo supprimat : si verò hinc pauciora fluant et cessatura videantur, guttae 40 vel 50 tincturae croci, vel elix. proprietat. cochl. parvul. bis terve per diem exhibendae, cum pediluviiis, &c. antea dictis. Hic etiam valde conducunt clysmata, ex aqua tepida in intestinum rectum injecta. Multa alia evitanda

* Hipp. lib. de Morb. Virg.

tanda sunt: haec autem in ferie caufarum praedisponentium in initio tradita enumerantur. In usu quorundam amarorum vel stomachicorum diu perseverare debet aegra. Vina austera, mera vel cum aqua mista, plerumque usurpanda cum exercitio: aquae minerales chalybeatae etiam non parum conducunt. Denique, per totum morbi progressum symptomata praecavenda sunt, aut mitiganda; sed quoniam varia sunt in variis aegris, eorundem cura aliunde petenda est.

F I N I S.

